

ادبیات عمومی و تجربی

هفته‌لق سیاسی ، علمی و ادبی غزته‌در

جلد : ۲

سنه : ۱ ۱۱ ذی الحجه ۱۳۳۵ جمعه ایرتسی ۲۹ ایلول ۱۹۱۷ نومرو ۴-۳۵

فضیلت - مفسدت

[بیوک زومانجیمز حسین رحیمی بک، کیتدکجه فیلسوف اولیور. بوندن صکره استادک یازده جقلری رومانلرده فلسفه و حکمت دها زیاده تبارز ایده‌جکدر. خصوصیات ملیه مزری، رنگ محلیمزى، او وعائله عالم‌مزى، نقائصمزى، فضائلمزى متعدد سر اثرلره تثبیت و بونلرک اخلاقه بیلمه‌سنه هپمزدن فضله بذل مقدور ایدن حسین رحیمی بک رقیق و دقیق بر پسیقولوژی نمونه‌سی اولان مقاله آتیه‌سنی قارئلرمرک انظار تقدیرلرینه عرض ایدرز. استاد، آره‌صره کوزل اثرلر اهدا واحسانیه مجموعه‌مزى حمایه ایده‌جکدر.]

ایشته انسانیت ترازینسک ایکی کوزینه موضوع، بربرینه ضد فقط همان غیر مفارق بر چفت کله‌که فانیلرک حسنات و سیأتی بونلره تارتیلیر...
فضل ایله فسادى یکدیگرینه بوقدر یاقین کوستردیکمه بلکه اعتراض ایدن اولور. وجودله عدم کی هرشی ضدیله تعین ایدر. بری اولماسه دیکری ناصل تظاهر ایده‌بیلیردی؟
دینه‌بیلیرکه فاضللر فضیلتلرینی مفسدله مدیوندرلر. چونکه فضلك قیمتی مفسدلرک افسادى یوکسلیتور.

اخلاق نه اولدیغنی بزه تلقینه باشلادقلری کوندنبری فضیلته قارشى میل و حرمتمزى جلبه و مفسدتدن بزى تنفره اوغراشیلر. هر ملتک اخلاقى هدفی بو دکلیدر؟ فقط نه‌دن حالا فضیلت مفسدته مغلوبدر؟ و اجتماعی هیئتله، فاضلن زیاده مفسدلرله طولودر؟ اگر فضل فساده غالب کله ایدی شمدی به قدر دنیا دوزلش اوله‌جقدی. فاضللر عدداً مفسده فائق بولونه‌ایدی، مدنی مملکتلرده اشرایی قبالی طوتمق ایچون مدرسه و مکتبلره ضمیمه حبس‌خانه‌لرده انشا اولونمازدی... انسانیت بو خصوصده خسته‌در. بو مرضدن رهایاب اوله‌بیلمه‌سندن اک بیوک فیلسوفلر تاامید...
انسانلردن بر قسمنک مدار تفضل ایدیندقلری فضیلت سوزیلر و همان بتون بشریتک نفرین و تلغینه یاد ابتدیی مفسدت کله‌سنک، شهوت بوايکی تعبیرک حقیقی مدلولرینه واقعی‌یز؟ فضیلتله مفسدتک، خیر ایله شرک حدودلرینی واضحاً تعین ایده‌بیلیرمی‌یز؟ بو طالده هرشی اضافی ایسه

کوستاو لوبونک آثارندن :

فرانسه اختلالی و روحیات انقلابات

اختلالات دینیه — فرانسه اختلالی ، عوامل و اسباب روحیه سی ثابت بر جوق شدائد و اعتسافات ایله مالا مایدر . پک مستثنا بر ماهیتی حائر اولان بو وقوعات ، ابتدای امراده فکر بشری حیرته القا ایده جک درجه ده اکلاشیلماز کبی کورونیور . انجق ، فرانسه اختلالنک یکی بر نوع ایمان وجوده کتیردیکی و بناء علیه بونک معتقدات سائره کبی انتشار و سرایت قواعدینه تابع بولندینی تأمل اولنورسه ، صفحات دهشت آورینی ادراک قولایلاشیر .

بیوک بر اختلال دینی اولانی [ره فورم] تدقیق ایدیلده جک اولورسه کورولورکه بونده تأثیرات مهمه سی مشهود اولانی عناصر روحیه عینی درجه و قوتده فرانسه اختلالی هنکامنده دخی اثبات موجودیت ایتشیلردر . کرک [ره فورم] ده و کرک فرانسه اخلاصده ، بر ایمانک توسع و انتشارینه ، اونک اساسات منطقیه و عقلیه اوزرینه مبتنی اولوب اولمامسنگ هیچده تأثیری اولمیدی ، ظلم و اعتسافک بر فائده عملیه حاصل ایتدیکی ، متضاد و متناقض ایکی صنف معتقدات آره سنده مسامحه و مساعدنه ک قطعاً عذیم الامکان و بناء علیه مجادلات و اعتسافاتک بومعتقدات بیننده موجود اختلاف و مابینتک محصولی اولدینی و الحاصل طرز حیات و شرائط هستیلری دوچار تحول اولدجه انسانلرک قناعت قطعیه لرینی دکیشدیرمه نک امکان خارجنده بولندینی ثابت اولمشدر . بو حادثات نظر تأمله آلتینجه ، اناجیل اختلالک ، سائر دینلر اناجلی کبی ، عینی اصولات و دساتیره تبعاً انتشار ایتش اولدینی تظاهر ایدر . کرچه [ره فورم] کبی دینی بر اختلال ایله فرانسه اختلالی آره سنده اصل و منشأ اعتباریه صیتی و اهمیتلی مطابقت و مشابهتله موجود ایسه ده تأثیراتی زمان انفلاقندن پک جوق صوکره مشهود اولانی عواقب نقطه نظرندن بویکی صنف اختلال ایننده بارز فرقلر واردر .

ایشته هراییکی اختلالک مدت دوامنده کوریلن عدم مساواتک سر و حکمتی آنجق بوفروق متنوعه دن استدلال ایده بیلیرز . اختلالات دینیه ده ، تعقیب ایدیلن اصولاتک سقامتی اثبات ایده جک هیچ بر امکان یوقدر ؛ حالبوکه سیاسی اختلاللرده تجربه ، دساتیر حرکاتک بطلانی پک چابوق اثبات ایده بیلیر و او حالده ، بونلرک تعدیلی وجوب درجه سنه واریر . فرانسه ده ، [دیرکتوار] زماننده [راقوبین] لرک موقع تطبیقه وضع اولنان اصولات اعتقادلرینک فرانسه یی نه مدهش مصیبه ، نه محمل فرسا بر سفالته سور و کلش اولدینی معلومدر . بو حال ضجرت اشتاله شاهد اولانی [راقوبین] لرک ذی قوت سرآمدانی بالذات قواعد و دساتیر موضوعه لرینی ساحه تطبیقاتدن قالدیرمقی اضطراریده قالدیلر . بو مجله نظریاتدن ، تجربه سایه سنده ماهیتی غیرقابل تدقیق اولانی اساسلاردن انجق بعضیلری پایدار اوله بیلمشدرکه بری ده ، مساواتک بشریت ایچون سعادت کونیه یی تأمین کافل اولسی دستوریدر .

[ره فورم] ک ابتدالری وایلك سالکینی — بر جوق انسانلرک افکار و حسیاتنده عمیق بر تأثیر اجرا ایتک ایچون [ره فورم] ک پذیرای ختام اولسی الزم ایدی . ابتدالری پک متواضع و ساده وضعیت آلان [ره فورم] ، صنف رهبانک سوء استعمالاتنه قارشو بر مجاهده ، عمیل نقطه نظرندن ، انجیل شریفک مضامین و احکامنه طوغری بر رجوع ماهیتنی اکتساب ایتش ،

و ادعا اولندینی وجهله حریت افکاری اصلاً غایه ایدمه مشدر . تابع ایله متبوع آره سنده معتقدات اختلافی بولنماق لازم کلدیکنه حکم ایدن اوزمانک نظریاتجیلری کبی [قالوهن] دخی [روبه سی ئهر] درجه سنده مسامحه بی تجویز ایتزدی . بناءً علیه [ره فورم] هر مانکی مملکتده تقرر ایتش ایسه اوراده حکمدار ، عینی حقوق ، عینی نفوذ و حاکمیتله پایایه خلف اولمشدر .

وسائط نقلیه نك فقدانی حسبیه [ره فورم] فرانسه ده پك بطی بر صورتده تعمیم ایتش و ۱۵۲۰ سنه سینه طوغری [لوتر] ك مذهبه سلوك ایدنلر ك مقداری پك محدود ایکن بوتاریخدن اون بش سنه صوکره هر طرفه یاییلمشدر . ایشته بو ایمان سالکترینه قارشو ارتکاب ایدیلن اعتسافات او تاریخده باشلایور . روحیاتك اك معلوم قواعدنن برینك حکمنجه اذا و جفا کسب شدت ایتدکجه [ره فورم] ده دائرة نفوذ و وسعتی بیوتیوردی . ایلك سالکری پاپاس و حاکمردن و باخصوص اصناف طاقندن عبارت اولان بو مذهب ، منحصرأ سرایت ذهنیه و تلقین قوتیه انتشار ایتمشدر .

بر دین و مذهب تعمیم ایتسکه باشلانجه ، اوکا پك ده علاقه دار اولمدقلى حالده ، محضاً احتراصات و منویاتلرینه موافق ساحه حصول بوله جقلمی امید ایدنلر درحاه طرفدار کیلیرلر . رهبان صنفك ثروت و سامانه هیچ ده احتیاجی اولمدینی حقنده [لوتر] طرفندن ایراد اولنان موعظه لر پك چوق اکبرك ایشنه یارادی . سکرنجی [هانری] دخی کلیسانك اموالنه وضع ید ایله تزید ثروت ایتش ایدی . دینه بیلیرکه [ره فورم] پاپانك سوء معامله سندن بیزار قالش اولان حکمدارلره بر وسیله استخلاص حاضرلادینی ایچون هر حالده توسع و انتشاری بونلره پك خوش کلیوردی . حکمدارلر ك نفوذ سیاسیلرینه دینی بر حاکمیت ده علاوه ایدن بو مذهب ، سر آمدانك مطلقیتنی تنقیص دکل ، بالعکس مفرط بر درجه یه ایصال اتمشدر .

[ره فورم] اصولاتنك قیمت منطقیه سی — عقل و منطق نقطه نظرندن حائر اهمیت اولماسی لازم کلن حادثات و مسائلدن [ره فورم] قدر تأثیراتی پك بیوک اولانی یوقدر . بو ایمان و مذهب ، اوروپایی آلت اوست ایتش واللی سنه مدتلره فرانسه بی بر حرب میداننه چویرمشدر . بوجهت ده اثبات ایدرکه معتقداتك انتشاری عقل و منطقله هیچ علاقه دار دکدر . روحلری بودرجه غشی و وجده کترن اصولات ، منطق عقلی نقطه نظرندن تدقیقه بیله شایسته دکدر .

بتون امی ، نار جحیمدن قورتلوق ایچون نزد الهیده مقبول اولغه معطوف بولنان ، و ، شیطانندن صوکره درجه قورقدینی جهتله ، بو امینه نك حصولی ایچون امین واسطه لر تحریننه کیریشن [لوتر] ، پاپانك پاره مقابلنده غفران الهی صاعسی عادتته قارشو علم عصیانی قالدیرمقله ایشه باشلایه رق پاپانك و کلیسانك نفوذ و حاکمیتنی انکار ، هر اسم دینه بی ، کناه چیقارتمق عادتتی ، اعزیه تعبدی رد و تقبیحه قدر وارمش و خرسیتیانلر طرفندن تعقیب ایدیلرجهك مسلك و مشوارك انجق کتاب مقدس احکامیه معین اولسی لزومنی اعلان ایتمشدر .

[لوتر] طرفندن وضع ایدیلن اصولات [قالوهن] ك بعض نظریاتیه کسب وضوح ایتمشدر .

دعوی وکیلی معله کریدی

اصم ساقی